



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13), Odluke o utvrđivanju standarda i kriterija Vlade Zeničko-dobojskog kantona za imenovanja/nominiranja na upražnjenu poziciju u reguliranim tijelima Zeničko-dobojskog kantona („Službene novine Zeničko-dobojskog kantona, broj: 4/15, 7/15 i 11/16), ministrica Ministarstva za rad, socijalnu politiku i izbjeglice Zeničko-dobojskog kantona, objavljuje

JAVNI OGLAS
za imenovanje na poziciju člana
Upravnog odbora JU Centar za djecu i odrasle osobe s posebnim potrebama Zeničko-
dobojskog kantona

Oglašava se upražnjena pozicija u JU Centar za djecu i odrasle osobe s posebnim potrebama Zeničko-dobojskog kantona (u daljem tekstu: Ustanova):

Upravni odbor

1. Član- predstavnik iz reda roditelja/staratelja djece ili odraslih osoba s posebnim potrebama.....1

Opis pozicije

Donosi Statut Ustanove, imenuje i razrješava direktora uz saglasnost Vlade, utvrđuje planove rada i razvoja, utvrđuje godišnji program rada, donosi finansijski plan i usvaja godišnji obračun, donosi opći akt o unutrašnjoj organizaciji i sistematizaciji poslova uz saglasnost Vlade, donosi druge opće akte u skladu sa zakonom i Statutom Ustanove, odlučuje o svim pitanjima obavljanja djelatnosti radi kojih je javna ustanova osnovana, usmjerava, kontroliše i ocjenjuje rad direktora, rješava sva pitanja odnosa Ustanove sa osnivačem, odlučuje o korištenju sredstava preko iznosa utvrđenog pravilima Ustanove, podnosi osnivaču najmanje jedanput godišnje izvještaj o poslovanju Ustanove i vrši druge poslove u skladu sa zakonom i Statutom Ustanove.

Člana Upravnog odbora imenovat će Vlada Zeničko-dobojskog kantona na period do isteka mandata članovima Upravnog odbora imenovanim Rješenjem Vlade Zeničko-dobojskog kantona, („Službene novine Zeničko-dobojskog kantona“br: 19/20). Osoba, konačna imenovana na poziciju člana Upravnog odbora, ostvarivat će naknadu za rad, u skladu sa općim aktom Ustanove.

1. Svaki kandidat za upražnjenu poziciju treba da ispunjava sljedeće opće i posebne uvjete:

Opći uvjeti:

- a) da je državljanin Bosne i Hercegovine;
- b) da je stariji od 18 godina;
- c) da nije otpušten iz državne službe, kao rezultat disciplinske mjere (bilo na nivou države ili entiteta), u periodu od tri godine prije dana objavljivanja upražnjene pozicije;
- d) da se na njega ne odnosi član IX.1. Ustava Bosne i Hercegovine;
- e) da nije na funkciji u političkoj stranci, u smislu člana 5. Zakona o ministarskim, vladinim i drugim imenovanjima u Federaciji Bosne i Hercegovine („Sl. novine F BiH“, broj 12/03, 34/03 i 65/13);
- f) da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organi vlasti u Federaciji BiH („Službene novine F BiH“, broj: 70/08);
- g) da nema privatni i/ili finansijski interes u instituciji u kojoj se kandiduje;
- h) da nije osuđivan za krivično djelo nespojivo sa imenovanjem na dužnost u instituciji u kojoj se kandiduje, pet godina od dana pravosnažnosti presude, isključujući vrijeme zatvorske kazne;
- i) da mu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri.

Posebni uvjeti:

- a) VSS, VII stepen stručne spreme, dokaz o završenom visokom obrazovanju, odnosno prvog (najmanje 240 ECTS bodova), drugog ili trećeg ciklusa Bolonjskog sistema studiranja, ili VŠS (VI) stepen stručne spreme, dokaz o završenom VI stepenu stručne spreme,
- b) najmanje pet godina radnog iskustva nakon sticanja tražene stručne spreme iz tačke a);
- c) da nije član nadzornog ili upravnog odbora, odnosno odbora za reviziju, nekog privrednog društva ili institucije;
- d) komunikacijske i organizacijske sposobnosti;
- e) sposobnost ekonomskih i pravnih analiza i propisa.

Prilikom procjene posebnih uvjeta, kriteriji navedeni pod tačkom d) i e) izrazit će se u bodovima od 1-5.

Prijave kandidata treba da sadrže kraću biografiju, adresu i kontakt telefon.

Uz prijavu potrebno je dostaviti:

- a) Uvjerenje o državljanstvu (ili CIPS potvrdu);
- b) Rodni list;
- c) Univerzitetsku diplomu, odnosno dokaz o stručnoj spremi;
- d) Dokaz o radnom iskustvu u skladu sa stručnom spremom, i to: uvjerenje poslodavca kod kojeg je kandidat radio ili trenutno radi ili uvjerenje porezne ispostave ovjerene pečatom i potpisom u kojem su tačno naznačeni periodi prijave i odjave kandidata ili uvjerenje Zavoda za PIO/MIO sa potvrdom o pojašnjenju šifre zanimanja iz uvjerenja tako da se može utvrditi sa kojom stručnom spremom je kandidat radio. Ukoliko se kao dokaz o iskustvu dostavlja potvrda poslodavca ista mora sadržavati sljedeće podatke: naziv i sjedište poslodavca, broj, datum i mjesto izdavanja potvrde, podatke o nazivu radnog mjesta i poslove koje je obavljao, obavezno naznačenu školsku spremu sa kojom je obavljao poslove, period obavljanja poslova, potpis i pečat ovlaštenog lica;
- e) Uvjerenje/potvrda da kandidatu nije izrečena zaštitna mjera zabrane obavljanja aktivnosti/djelatnosti, tri godine od dana pravosnažnosti odluke o izrečenoj zaštitnoj mjeri izdato od nadležnog Općinskog suda prema mjestu prebivališta kandidata (ne starije od 6 mjeseci);
- f) Ovjerenu izjavu kandidata iz tačke 1. ovog oglasa – Opći uvjeti, pod c), d), e), f) i g) i Posebni uvjeti, pod c).

Svi priloženi dokumenti moraju biti u originalu ili ovjerenoj kopiji.

Napomena: Dokaz da kandidat nije osuđivan za krivično djelo od nadležnog MUP-a službeno će se tražiti za kandidate koji prođu užu konkurenciju.

Svi kandidati koji budu stavljeni na listu sa užim izborom, bit će pozvani na intervju pred Komisijom za izbor. Prilikom pozivanja kandidata na intervju, svaki kandidat mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja. Obrasci će se dostaviti kandidatima prije intervjua.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka BiH („Službeni glasnik BiH“; broj: 49/06, 76/11 i 89/11).

Kandidati koje nakon intervjua preporuča Komisija za izbor, smatrat će se da su najuspješnije prošli otvorenu konkurenciju.

U slučaju kada postoje dokazi da u postupku imenovanja nisu ispoštovani principi ili postupci utvrđeni Zakonom o ministarskim, vladinim i drugim imenovanjima Federacije BiH, zainteresovana stranka može podnijeti prigovor na konačno imenovanje. Prigovor se podnosi Vladi Zeničko-dobojskog kantona, putem kantonalnog Ministarstva za rad, socijalnu politiku i izbjeglice, a kopija se dostavlja Uredu ombudsmena za ljudska prava Bosne i Hercegovine.

Oglas će biti objavljen u „Službenim novinama Federacije BiH“ i u dnevnom listu „Dnevni avaz“. Oglas za podnošenje prijava ostaje otvoren petnaest (15) dana od dana posljednjeg javnog objavljivanja. Prijave sa svim traženim dokumentima, treba dostaviti u ZATVORENOJ KOVERTI na Protokol Zeničko-

dobojskog kantona ili poštom preporučeno, sa naznakom „**Prijava na Javni oglas za člana Upravnog odbora JU Centar za djecu i odrasle osobe sa posebnim potrebama – ne otvarati**“, na sljedeću adresu:

ZENIČKO-DOBOJSKI KANTON
Ministarstvo za rad, socijalnu politiku i izbjeglice
Ul. Kučukovići br. 2
72000 Zenica

Neblagovremene i nepotpune prijave neće biti uzete u razmatranje.

MINISTRIČA

Azra Sinanović